

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), a u vezi sa članovima 37. stav (4), 45. stav (1) i 54. Zakona o izvršavanju Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 49. sjednici, održanoj 29.03.2016. godine, d o n o s i

ZAKLJUČAK

**o usvajanju Programa utroška sredstava vodnih naknada za 2016. godinu,
u razdjelu 23, budžetska organizacija 01, potrošačka jedinica 0001,
Budžeta Zeničko-dobojskog kantona za 2016. godinu,
pozicija «Namjenska sredstva za finansiranje projekata
iz sredstava posebnih vodnih naknada»**

I.

Usvaja se Program utroška sredstava vodnih naknada za 2016. godinu, u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16), ekonomski kod 614 400 subanalitika NAD 403, pozicija «Namjenska sredstva za finansiranje projekata iz sredstava posebnih vodnih naknada» u iznosu od 6.500.000,00 KM (slovima: šestmiliona pet stotina hiljada konvertibilnih maraka) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog Zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/16.
Datum, 29.03.2016. godine
Zenica

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA SREDSTAVA VODNIH NAKNADA
ZA 2016. GODINU**

ZENICA, mart 2016. godine

I ZAKONSKI OSNOV ZA DONOŠENJE PROGRAMA UTROŠKA SREDSTAVA VODNIH NAKNADA ZA 2016.GODINU

Zakonski osnov za donošenje Programa utroška sredstava vodnih naknada za 2016. godinu je sadržan u članu 178. Zakona o vodama ("Službene novine Federacije BiH", broj: 70/06) i članu 125. Zakona o vodama Zeničko-dobojskog kantona ("Službene novine Zeničko-dobojskog kantona", broj: 17/07), te u članu 37. stav 4. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16), kojim je utvrđeno da će se navedena sredstava koristiti u skladu sa programom utroška kojeg donosi Vlada Kantona. U članu 45. stav 1. je utvrđeno da nadležni organi uprave i upravne organizacije predlažu Vladi Kantona program utroška sredstava iz člana 37. istog Zakona.

U vezi sa navedenim, Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava vodnih naknada za 2016. godinu (u daljem tekstu: Program).

II OBIM PLANIRANIH ULAGANJA I NAČIN REALIZACIJE

Budžetom Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16) u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 403, Pozicija «Namjenska sredstva za finansiranje projekata iz sredstava posebnih vodnih naknada», predviđena su sredstva u iznosu od 6.500.000,00 KM (šestmilijonapetstotinahiljada konvertibilnih maraka).

Predviđena sredstva utrošit će se za nerealizovane projekte koji su ugovoreni po Programu utroška sredstava vodnih naknada iz 2015. godine, zatim za realizaciju projekata lokalne vodne infrastrukture, odnosno za projekte od općinskog značaja (zaštitni vodni objekti, vodni objekti za korištenje voda, vodni objekti za zaštitu voda) na području grada Zenice i općina Kantona, za realizaciju projekta utvrđivanja granice vodnog dobra na vodotocima II. kategorije na području Kantona, za sufinansiranje izrade projektne dokumentacije za prikupljanje, razdvajanje i tretman otpadnih voda Kantonalne bolnice Zenica i sredstva rezerve, sve u skladu sa Strategijom upravljanja vodama 2010.-2022. godine (Plan realiziranja mjera za dostizanje ciljeva upravljanja vodama) i Strategijom razvoja Zeničko-dobojskog kantona za period 2016.-2020. godina („Službene novine Zeničko-dobojskog kantona“, broj:1/16).

Navedenim dokumentima su utvrđeni operativni zadaci nadležnim organima za realiziranje projekata i aktivnosti od značaja za Kanton, konkretno razvoj vodne infrastrukture, koji se finansiraju iz prihoda namjenskih sredstava vodnih naknada i usmjeravaju na osnovu godišnjeg plana i programa Ministarstva, odnosno za sufinansiranje izgradnje i održavanja vodnih objekata (zaštitnih objekata, objekata za vodosnabdijevanje, objekata za zaštitu voda od zagađivanja, kao i ostale aktivnosti vezane za poslove upravljanja vodama (izrada tehničke dokumentacije, podloga za izdavanje koncesija i dr.), u skladu sa članom 178. Zakona o vodama („Službene novine FBiH“, broj: 70/06), odnosno članom 125. Zakona o vodama („Službene novine Zeničko-dobojskog kantona“, broj: 17/07), i to za slijedeće projekte:

1. Naziv projekta: Realizacija nezavršenih projekata ugovorenih u 2015. godini po Programu utroška sredstava vodnih naknada za 2015. godinu.

Cilj projekta: Realizirati ugovore iz 2015. godine čija se realizacija prenosi u 2016. godinu, koji se odnose na izgradnju objekata vodne infrastrukture (vodne objekte za zaštitu voda, vodne objekte za korištenje voda i vodne objekte za zaštitu od voda), a navedeni su u **Tabeli 1.**

Iznos sredstava: 1.437.061,98 KM

Tabela 1.

STAVKA		NAZIV	Planirano/ Ugovoreno (KM)
A		IZRADA PROJEKTNE DOKUMENTACIJE ZA VODNE OBJEKTE NA PODRUČJU OPĆINA KANTONA	75.178,81
A	1.	ZAŠTITNI VODNI OBJEKTI	60.724,00
A	1.1.	Izrada projektno-tehničke dokumentacije za „Uređenje obala rijeke Stavnje“ na području općine Breza	6.318,00
A	1.2.	Izrada projektne dokumentacije za regulaciju rijeke Stavnje kroz naselje Hodžići, općina Vareš	4.330,00
A	1.3.	Izrada glavnog projekta za zaustavljanje nanosa u vodotocima Bistrička rijeka, Šerički potok i Ograjinska rijeka, grad Zenica	25.506,00
A	1.4.	Izrada projekta regulacije potoka Baretnjak u dužini od 1100 m, grad Zenica	9.594,00
A	1.5.	Izrada projekta regulacije Babine rijeke od poprečne građevine kod kamenoloma do vodozahvata, grad Zenica	14.976,00
A	2.	VODNI OBJEKTI ZA KORIŠTENJE VODA	6.000,00
A	2.1.	Izrada Glavnog projekta „Potisni cjevovod vodosnabdijevanja Žabljak“, općina Usora	6.000,00
A	3.	VODNI OBJEKTI ZA ZAŠTITU VODA	8.454,81
A	3.1.	Izrada glavnog projekta dijela primarnih kolektora fekalne kanalizacije na području općine Tešanj	5.798,52
A	3.2.	Izrada glavnog projekta za izgradnju kanalizacionog sistema u selima Strica i Zaruđe, općina Vareš	659,99
A	3.3.	Izrada glavnog projekta kanalizacije MZ Lokvine, grad Zenica	1.041,30
A	3.4.	Izrada glavnog projekta kanalizacije MZ Janjići, grad Zenica	955,00
B		FINANSIRANJE IZGRADNJE ILI REKONSTRUKCIJE VODNIH OBJEKATA (ZAŠTITNI VODNI OBJEKTI, VODNI OBJEKTI ZA KORIŠTENJE VODA, VODNI OBJEKTI ZA ZAŠTITU VODA) – OD OPĆINSKOG ZNAČAJA	1.361.883,17
B	1.	ZAŠTITNI VODNI OBJEKTI	281.703,87
B	1.1.	Sanacija obaloutvrde rijeke Zgošće (u okviru projekta izgradnje gradske saobraćajnice) od parka Minulih ratova do ul Branilaca u Kaknju	70.000,00
B	1.2.	Uređenje bujičnih vodotoka u naseljima pogođenim poplavama u općini Usora	39.000,00
B	1.3.	Čišćenje i sanacija korita Babine rijeke, grad Zenica	147.637,79
B	1.4.	Čišćenje i sanacija korita Volinog potoka, grad Zenica	25.066,08

B	2.	VODNI OBJEKTI ZA KORIŠTENJE VODA	872.799,74
B	2.1.	Izgradnja lokalnog vodovoda za naselje Slivno, općina Breza	23.133,40
B	2.2.	Vodosnabdijevanje naselja Trtorići i Opreč sa izvorišta Dađevac, općina Breza	48.682,00
B	2.3.	Vodovod za naselje Gornja Kosova, općina Maglaj	69.347,97
B	2.4.	Izgradnja vodovoda "Kruševo" za vodoopskrbu naselja Kruševo i Dolovi, općina Olovo	35.000,00
B	2.5.	Završetak projekta vodovoda "Olovske Luke", općina Olovo	12.423,21
B	2.6.	Izgradnja vodovoda Medakovo – Trepče, općina Tešanj	114.660,14
B	2.7.	Proširenje kapaciteta u svrhu izvedbe integralnog sustava vodoopskrbne mreže općine Usora	18.591,34
B	2.8.	Rekonstrukcija mjesnog vodovoda Šošnje, MZ Podvinci, općina Visoko	71.687,78
B	2.9.	Rekonstrukcija sa proširenjem vodovodne mreže u naselju Smršnica, MZ Gračanica, općina Visoko	40.042,39
B	2.10.	Izgradnja vodovoda "Čavaljuša-Ravne" u MZ "Pašin konak", općina Zavidovići	29.546,01
B	2.11.	Nabavka fazonskih komada za magistralni cjevovod od daktil cijevi DN 500, nabavka i isporuka čeličnih profila za most za magistralni cjevovod i izgradnja čeličnog mosta preko vodotoka Otežnja za magistralni cjevovod zavidovičkog vodovoda	69.810,44
B	2.12.	Izgradnja vodovoda „Vučjak“ u MZ „Asim Čamdžić“, općina Zavidovići	52.606,26
B	2.13.	Izgradnja vodovoda Vukotići, grad Zenica	55.139,68
B	2.14.	Pumpna stanica "Vrdilo" i razvodna mreža iz glavnog rezervoara do lokalnih rezervoara u naselju Briznik, grad Zenica	71.996,06
B	2.15.	Rekonstrukcija vodovoda Smajići MZ Bistričak, grad Zenica	36.195,71
B	2.16.	Snabdijevanje vodom naselja MZ "Lug-Brankovići" i MZ "Donja Ozimica", III faza, općina Žepče	123.937,35
B	3.	VODNI OBJEKTI ZA ZAŠTITU VODA	207.379,56
B	3.1.	Izgradnja kanalizacije Brnj, MZ Brnj, općina Kakanj	27.471,86
B	3.2.	Izgradnja kanalizacije u MZ "Bjelavići - Obre polje", MZ Obre-Polje, , općina Kakanj	68.304,56
B	3.3.	Kanalizacija "Papratnica", MZ Papratnica, općina Kakanj	26.997,17
B	3.4.	Kanalizacija "Šije", MZ Šije, općina Tešanj	25.339,86
B	3.5.	Izgradnja dijela fekalne kanalizacione mreže u Varešu, faza IV - nastavak projekta	44.398,43
B	3.6.	Izgradnja kanalizacije Putovići, grad Zenica	14.867,68
UKUPNO (A+B):			1.437.061,98

2. Naziv projekta: Finansiranje izgradnje ili rekonstrukcije vodnih objekata od općinskog značaja (zaštitni vodni objekti, vodni objekti za vodosnabdijevanje i vodni objekti za zaštitu voda od zagađenja), uključujući izradu projektne dokumentacije i vršenje stručno-tehničkog nadzora

Cilj projekta: Realizacija operativnih ciljeva iz Strategije upravljanja vodama FBiH (2010.-2022.), odnosno izgradnja ili rekonstrukcija vodnih objekata, uključujući i izradu projektne dokumentacije, sa ciljem povećanja broja stanovnika priključenih na sisteme javne vodoopskrbe i na sisteme za prikupljanje i odvodnju otpadnih voda naselja, rekonstrukciju i sanaciju postojećih vodovodnih sistema sa ciljem smanjenja gubitaka, poboljšanje kvaliteta javne vodoopskrbe izraženo kroz dodatno zahvatanje vode, poboljšanje kvaliteta javne vodoopskrbe putem pročišćavanja na postrojenju za pitku vodu, te sanacija postojećih i izgradnja novih zaštitnih vodnih objekata i dr.

Raspodjela planiranih sredstava za realizaciju projekata od općinskog značaja biće izvršena na osnovu iskazanih prioriteta od strane općinâ, u skladu sa Odlukom o kriterijima za utvrđivanje prioriteta projekata iz oblasti upravljanja vodama od općinskog značaja za program utroška sredstava vodnih naknada za 2016. godinu, broj: 05-25-4579-1/16 od 29.02.2016. godine.

Lista odabranih projekata po općinama biće odobrena posebnim zaključkom Vlade, pri čemu Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava za pojedinu općinu. Ministarstvo će sa gradom Zenica i svim općinama Kantona zaključiti sporazum, kojim će biti regulisane međusobne obaveze i način realizacije odobrenih sredstava.

Iznos sredstava: 4.430.000,00 KM

3. Naziv projekta: Utvrđivanje granice vodnog dobra uz vodotoke II. kategorije.

Cilj projekta: Utvrditi granicu vodnog dobra uz vodotoke II. kategorije na području Kantona, radi zaštite vodnog pojasa od bespravne gradnje i drugih negativnih uticaja. S obzirom na veliki broj vodotoka II. kategorije na području Zeničko-dobojskog kantona, u 2016. godini planira se realizacija ovog projekta na vodotocima Babina rijeka i rijeka Tešanjka, kao pilot projektima na području Kantona, u dužini od oko 10 km, prema projektnom zadatku koji će biti definiran u saradnji sa dotičnim općinama.

Iznos sredstava: 100.000,00 KM

4. Naziv projekta: Sufinansiranje izrade projektne dokumentacije za prikupljanje, razdvajanje i tretman otpadnih voda Kantonalne bolnice Zenica

Cilj projekta: Projektnom dokumentacijom dati tehničko rješenje prikupljanja, razdvajanja i tretmana fekalnih otpadnih voda, oborinskih voda sa platoa i parkirališta i saobraćajnica, koje trenutno nisu razdvojene i direktno se bez tretmana ispuštaju u gradsku kanalizacionu mrežu bez tretmana. Izrada projektne dokumentacije je jedan od preduslova za realizaciju projekta.

Iznos sredstava: 32.800,00 KM

5. Naziv projekta: Rezervna sredstva za interventne aktivnosti.

Cilj projekta: Osigurati rezervna sredstva za namjene hitne sanacije, intervencije u slučaju neposredne opasnost od poplava, pogoršanja u snabdijevanju vodom, ako postoji opasnost od zagađenja vode, zatim za sufinansiranje projekata izgradnje ili sanacije vodnih objekata za koje su sredstva obezbijeđena iz drugih izvora, za izvođenje nepredviđenih, naknadnih ili dodatnih radova na projektima planiranim ovim Programom, za reviziju projektne dokumentacije, izradu elaborata o zaštitnim zonama izvorišta, te za ostale aktivnosti vezane za upravljanje vodama (izrada tehničke dokumentacije, podloga za izdavanje koncesija i dr.), u skladu sa članom 125, a u vezi sa članom 121. Zakona o vodama („Službene novine Zeničko-dobojskog kantona“ broj: 17/07).

Prijedlog zaključka o odobravanju sredstava rezerve podnosi Ministarstvo za poljoprivredu, šumarstvo i vodoprivredu Vladi Zeničko-dobojskog kantona, samoinicijativno ili na zahtjev općine.

Iznos sredstava: 500.138,02 KM

REKAPITULACIJA:

Red.br.	NAZIV	Planirano (KM)
1.	REALIZACIJA PROJEKATA UGOVORENIH U 2015. GODINI PO PROGRAMU UTROŠKA SREDSTAVA VODNIH NAKNADA ZA 2015. GODINU.	1.437.061,98
2.	FINANSIRANJE IZGRADNJE ILI REKONSTRUKCIJE VODNIH OBJEKATA (ZAŠTITNI VODNI OBJEKTI, VODNI OBJEKTI ZA KORIŠTENJE VODA, VODNI OBJEKTI ZA ZAŠTITU VODA) – OD OPĆINSKOG ZNAČAJA	4.430.000,00
3.	UTVRĐIVANJE GRANICE VODNOG DOBRA UZ VODOTOKE II. KATEGORIJE	100.000,00
4.	SUFINANSIRANJE IZRADE PROJEKTNE DOKUMENTACIJE ZA PRIKUPLJANJE, RAZDVAJANJE I TRETMAN OTPADNIH VODA KANTONALNE BOLNICE ZENICA	32.800,00
5.	REZERVNA SREDSTVA ZA INTERVENTNE AKTIVNOSTI	500.138,02
UKUPNO :		6.500.000,00

Broj: 02-_____/16.

Datum, 29.03.2016. godine
Zenica

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvo za poljoprivredu, šumarstvo i vodoprivredu
1x Ministarstvo finansija,
1x a/a.